






C 28


747

























3472  
LE  
SYNDICQ  
DV  
PEUPLE.  
AV ROY.

M. DC. XX.

Case


F

39

.326

THE NEWBERRY  
LIBRARY

162054



LE  
SYNDICQ  
DV PEUPLE  
AV ROY.

SIRE,  
Ce me seroit vn extrême contentement si ie portois nouuelle à vostre Majesté de quelque signalée victoire acquise sur vos ennemis : Mais à mon regret le contraire se presente, estant chargé de vostre pauvre Peuple, de vous remon-  
strer tres-humblement la mise-

A ij



re qui le talonne ; & l'estat auquel il se veoit presque réduit, pour le pernicieux Conseil qui vous assiste, qui mesme esbranle tellement vostre Couronne, que l'Estranger n'attend autre chose que la démolition de son fondement, pour prendre sa proye sur le debris de vostre puissance.

Si le maintien de l'Estat consiste en l'obeissance & la fidélité que les Subjects doiuent à leur Prince, quelles forces pourront faire teste à vostre authorité estant appuyée de ces deux Arcs-bouttans? l'aduoüe que les Armes font craindre & redoubter vn Prince ; mais la conseruation de sa Monarchie

giste en l'vnion de son Peuple:  
 nos corps subsistent par le tem-  
 perament des quatre qualitez:  
 les Empires par la concorde de  
 leurs Citoyens. VN ANCIEN di-  
 soit, que les Royaumes estoient  
 heureux qui estoient comman-  
 dez par des Philosophes, c'est à  
 dire, desquels les Roys s'exer-  
 çoient à la vertu. Le Peuple est  
 Singe des actions de son Roy;  
 ce seroit vne chose honteuse de  
 blasmer celuy qui doit seruir  
 d'exemple.

La principale chose que vo-  
 stre Majesté doit faire pour se  
 maintenir en paix, & se conser-  
 uer en la bonne opinion que  
 son Peuple à conceuë d'elle, est  
 de prester l'oreille à ceux qui

luy donneront des aduis salutaires concernant le bien du Public, & qui par Conseil s'efforceront de corriger les defauts qui se rencontrent au gouvernement general de vostre Estat: Si le malade refuse l'ordonnance de son Medecin on desesperera de sa santé. Si le Prince rejette le conseil des gens de bien, qui poussez d'un zele & d'une affection particuliere s'offrent pour estayer l'Estat qui panche à sa ruyne, il ne doit rien moins esperer que sa perte; Il n'est pas toutesfois necessaire que vostre Majesté croye à un chacun: l'Abeille n'extrait son miel que des fleurs les plus suaves & odorantes, le trop

de croyance & le peu de foy  
 préjudicient grandement à vn  
 homme d'autorité, & mesme  
 le rendent mesprisable.

Il est vray que le pretexte  
 que prennent les perturbateurs  
 de vostre repos, est foible; l'a-  
 goit qu'il porte quelque appa-  
 rence de bien & d'vtilité; ce  
 n'est pas de ce temps que ces  
 reuoltes ont accoustumé de ce  
 faire, & que les mutins sous  
 ombre du Bien Public & de la  
 Reformation de l'Estat, ont  
 esmeu des Seditions, qui ont  
 causé beaucoup de dommage.

Il est besoin quelquefois  
 d'apporter vn remede violent  
 à vne maladie perilleuse; vostre  
 Majesté n'en scauroit donner



vn plus prompt & vn meilleur  
 au mal present que de conten-  
 ter son Peuple ; c'est vne Mer  
 qui s'excite par peu de vent,  
 vostre presence ruynera les  
 desseins de ces factieux comme  
 le Soleil dissipe les nuages. Le  
 passage du RYBICON effroya  
 tellement les ennemis de Cæsar,  
 qu'ils ne cherchoient leur salut  
 qu'en vne honteuse fuite.

Ce n'est pas que ie veuille  
 porter vostre Majesté à la ven-  
 geance; qui d'ordinaire a la cru-  
 auté pour compagne, ce seroit  
 donner à vos Subjects plus de  
 crainte que d'amour, qui est v-  
 ne chose tres-dangereuse pour  
 regner librement & paisible-  
 ment, il suffit à vn Prince d'a-  
 uoir



uoir peu se venger. Vn Philo-  
sophe interrogé par quel moyē  
on se pourroit venger de ses  
ennemis, respondit : EN SE  
MONSTRANT HOMME DE  
BIEN. La vengeance, Sire, que  
vous deuez prendre de ces Li-  
bertins, c'est de vous monstrier  
Roy, & que vostre pouuoir est  
égal à vostre volōté. En cecy vos  
actiōs & déportemēs qui n'ont  
iamais eu pour objet que ce qui  
est juste & équitable, auront  
plus de force que vos armes;  
c'est le plus seur moyen que V.  
M. sçauroit tenir pour ramener  
ces ames esgarées à leur deuoir.

Ce seroit prendre les cho-  
ses trop à la rigueur, que la coul-  
pe fust suiue de la peine, ainsi

que le bien-fait doit estre de la recompense, encore que ce soit deux expediens propres pour maintenir vne Monarchie en sa splendeur & en son lustre: Le bon medecin desire plustost apporter guerison au patient par remedes doux & lenitifs que par medecines corrosiues: souuentefois par moyens contraires on arriue à vne pareille fin. Ce peintre, qui pour n'auoir peu viuement représenter l'escume d'un Cheual, vouloit effacer son ouurage, le hazard luy donna ce que son art & son industrie luy auoient desnié.

Sire, prenez vne autre voye que celle des Armes, qui ne peut estre qu'à la foule de vostre peu-

ple. Ceux qui y portent V.M.  
 ce sont gens qui ne considerēt  
 que l'estat presēt de vos affaires.  
 Il faut en ceste occasion se ser-  
 uir du double visage de Ianus,  
 préuoir le futur, & prendre gar-  
 de sur ce qui peut aduenir de  
 nos entreprises. Nous voyons  
 par experience que l'eauë en al-  
 lumant la chau, elle l'esteind. V.  
 M. feroit le contraire, car pen-  
 sant appaiser ces seditions, elle  
 embrazeroit dauantage le feu,  
 qui en sa naisſâce se peut étouf-  
 fer sans beaucoup de peine. Cō-  
 me l'Eclypſe du Soleil atti-  
 re apres soy vn malheur ou v-  
 ne contagion mortelle, de mes-  
 me la faute que cōmet vn Roy  
 bien que petite, engendre de

grands troubles parmy les Subjects. Les choses passees peuuent estre reprises, mais non pas corrigées; il ne se faut point hastier quand il est question de prendre Conseil d'affaires importantes: la promptitude est ennemie de la raison, & nous aucugle le iugement. Tout ce qui se fait par précipitation ne peut auoir bonne yssuë.

Vous estes plus à vostre Peuple, Sire, que le Peuple n'est à vous: c'est pourquoy V.M. doit veiller pour luy cōme pour vn corps dōt elle despend entiere-ment. La plus belle Couronne dont vous sçauriez estoffer vostre gloire, c'est celle que vous aurez meritée pour la conserva-



tion des Citoyens de vostre Monarchie. Si ceux qui conseil-  
lent à vostre Majesté de pren-  
dre les Armes, vous remon-  
stroient premierement les dan-  
gers ou elle se plonge, & les ac-  
cidens qui en peuuent arriuer,  
ie croy qu'elle se retireroit du  
précipice où elle s'achemine :  
mais ce sont brouillons qui ne  
vous monstrent qu'un costé de  
la Medalle, ils vous cachent ce-  
luy auquel vous recognoistriez  
leurs desseins pernicioeux, qui  
ne tendent qu'à se maintenir  
aux despens de la ruyne totale  
de vostre Royaume. CATON  
disoit qu'un Empereur estoit  
digne de loüange, qui cōman-  
doit à ses passions. Certes il sied



bien à vn Prince qui gouuerne vn puissant Peuple , de ne se laisser point emporter à ses volontez , mais de se ranger au train de la raison.

Vostre Majesté considerera, s'il luy plaist , comme elle s'est laissée gagner insensiblement à l'affection de certaines personnes de peu, & de nul mérite, qui vrays Sangsuës attirent la substance de vostre Peuple, vous despouillent de toutes commoditez , & comme vermines qui rongent le bled iusqu'à l'escorce , espuisent vos Thresors , vuideront vos Coffres, & vous abandonneront. Vn certain personnage desiroit que les Roys eussent

esté personnes priuées, & mesme pauvres, afin qu'ils peussent mieux recognoître la misere de ceux ausquels ils commandent. Si vostre Majesté auoit quelque cognoissance de la miserable condition de son Peuple, combien il patist & endure, sans doute qu'elle apporteroit quelque soulagemēt à tant de pauvres creatures, dont le trauail & le labeur peut à peine suffire pour payer les subsides & imposts dont elles sont chargées. Sire, vostre Conseil ressemble à ces faux Miroüiers qui nous desguisent, & nous font ressembler autres que nous ne sommes. Ceux qui vous assistent vous flattent les oreilles, &

vous celent la verité de vos affaires, & fous ombre de quelque profit, ou peur d'encourir la disgrâce de trois Loups affamez qui enuironnent vostre Majesté, ne vous declarent les deffauts qui ruynent en fin vostre Monarchie.

Iamais la France n'a esté si chargée de Tailles qu'elle est, Iamais on n'a veu introduire les monopoles que ces pestes inuentent, pour rasasier leur auarice : le bois augmente le feu, mais il s'y consomme, les biens qu'ils semblent s'acquérir pour leur seruir de maintien, ce sont plustost cordes qu'ils se filent pour dernier recours de leur necessité.

C'est

C'est vne chose <sup>tr</sup>perilleuse  
 que de bastir sa fortune sur la  
 ruyne d'un miserable, vn abyf-  
 me meine en vn autre: le mal-  
 heur d'autrui nous doit ren-  
 dre sages; Vsons des biens de  
 fortune, & ne nous y fions  
 point. Les Naturalistes disent  
 que les arbres meurent incon-  
 tinent quand ils rapportēt plus  
 de fruiēt qu'ils n'ont accoustu-  
 mé, telle est la fortune, lors  
 qu'elle nous rit dauantage &  
 qu'elle se monstre fauorable  
 outre l'ordinaire, c'est lors  
 qu'elle nous cōduit le plus sou-  
 uent à nostre perte.

*Qui de bas lieu miracle de fortune*

*En vn matin t'es haussé si auant,*

C



*Ne croy-tu point que ce n'est que du vêt  
Qui calmera peut-estre sur la brune ?*

Vn Prince de Perse compa-  
roit proprement les mignons  
des Roys, aux jettons que l'on  
fait valoir en nombre, tantost  
mille, & tantost vn. & deux.  
S O C R A T E S interrogé que  
c'estoit que Fœlicité, respondit,  
Vne volupté qui n'est suyvie  
d'aucune repentence. S I R E,  
V. M. à esleué des gens qui re-  
ceuront en fin, mais trop tard  
encore, le loyer de leur insolence.

Nos Histoires nous four-  
nissent assez d'exemples de ceux  
qui ou pour leurs fascheux &  
insolens déportemens, ou pour  
leurs richesses trop prompte-



ment acquises, ont fait vne fin malheureuse. Soubs le regne de Philippes fils de Saint Louys, Pierre de la Brosse grand Châbellan, & le plus Fauory des Courtisans, mourut ignominieusement. Enguerrand de Marigny soubs Louys Hutin courut la mesme fortune: & quantité d'autres, qui ayant vogué quelque temps le vent en poupe, ont fait naufrage, & sôt peris en ceste mer inconstante de Faueur.

La Liberalité en vn Prince est vn resmoignage de bonté, mais il doit prendre garde comment, & à qui il faiot du bien: car s'il donne à vne personne indigne, il pert le bien-fait, il se

rend odieux aux gens de bien,  
 & fortifie le meschant en son  
 vice. Ceste question à esté agi-  
 tée de plusieurs Politiques, le-  
 quel est le plus necessaire, Que  
 le Prince soit Liberal ou Ciche,  
 & disent, Qu'il est bon se faire  
 estimer Liberal, mais qu'il s'y  
 faut gouverner avec prudence,  
 en telle sorte, que sa liberalité  
 n'apparoisse que bien peu, &  
 par ce moyen il peut s'exemp-  
 ter de l'infamie de son contrai-  
 re: Et si vn Prince desire paroi-  
 stre & se maintenir le nom de  
 liberal, il faut qu'il se porte à

*Salomō  
 sert aus* toutes sortes de sumptuositez,  
*plus sages d'exemple, qui du commencement ayans ven-*  
*du l'argent aussi commun que les pierres dans l'erusalem,*  
*enfin fut contraint faire de grandes impositions sur son*  
*Peuple, qui causa leur reuolte contre son fils Roboam, cō-*  
*me il se lit dans la Bible & dans Iosephe,*

qui est vn chemin pour se rendre necessiteux : & puis estant au bout de ses finances il est cōtraint ; s'il veut s'entretenir au mesme estat, de fouler son Peuple, & pratiquer toutes sortes de moyens pour leuer des deniers : ce qui luy acquiert enfin la mal-veillance de ses Sujets.

Les Largeesses immodérées sont ordinairement suivies de rapines, & l'affectiō de ceux auxquels vous dōnez, ne peut être si grande, que la haine est immortelle de ceux à qui vous ostez. Il est bien seant de donner, pourueu que ce ne soit au détrimēt de personne. Vn Grād à plus d'honneur d'enrichir ses Sujets que soy-mesme. Il n'y

rien qui nous face plus appro-  
cher de la Diuinité que faire  
beaucoup de bien. ALEXAN-  
DRE LE GRAND se glorifioit  
de ce que personne ne l'auoit  
iamais vaincu par bien-faicts.  
Ce Prince estoit grandement  
liberal: pour tout bien il ne se  
reseruoit que l'esperance, mais  
la pluspart de ses liberalitez es-  
toient des despouilles de ses en-  
nemis. Le Laboureur qui veut  
recueillir quantité de fruit, doit  
semer de la main, & non pas  
verser du sac, il faut espandre  
le grain & non le respendre. Il  
vaut mieux qu'un Prince soit au-  
uare, que liberal sans discretion  
& sans mesure; l'excessiue lar-  
gesse est un foible moyen pour



s'acquérir de la bien-vueillance,  
 elle mescontente plus de Serui-  
 teurs qu'elle n'en pratique. Cō-  
 bien de Grands Personnages  
 ont esté sacrifiez à la haine & à  
 la fureur du Peuple, par ceux  
 mesmes qu'ils auoient auancez,  
 estimants asseurer la possession  
 des biens injustement acquis,  
 s'ils monstroient auoir en haine  
 & en mespris ceux dont ils les  
 auoient receus? Vn Roy exces-  
 sif en dons, rend ses Sujets ex-  
 cessifs en demandes. On n'aime  
 que la liberalité future, pource  
 que l'on espere, & non pource  
 que l'on possède desia: car qui à  
 la pensée à prendre, il oublie fa-  
 cilemēt ce qu'il a receu. Plus vn  
 Prince s'appauurist, & plus il se



rend foible d'amis. Le fils de  
 MARC ANTHOINE dit à vn  
 pauvre, qui refusoit des Vases  
 d'or dont il luy faisoit present:  
 MON AMY, ne sçais-tu pas que  
 c'est le fils de Marc Anthoine  
 qui te donne cela. SIRE, ie sçay  
 bien que vostre Majesté est grã-  
 de & puissante, autant & plus  
 qu'aucun Prince de l' Vniuers,  
 mais ayant à donner à plusieurs  
 vo<sup>o</sup> deuez être sage & loyal dis-  
 pēseur de vos richesses. Don-  
 ner à ceux qui sont indignes de  
 receuoir, & ne faire aucun bien  
 à ceux qui le meritent, est vn vi-  
 ce également blasmable. Vous  
 peuez en ceste action conside-  
 rer particulièrement les mœurs  
 & la dignité de ceux auxquels  
 vous

vous voulez faire du bien, autrement ce que vous croiriez estre loüable en vous, vous retourneroit à blasme & mespris.

Vostre Majesté a esleué des personnes en des Dignitez Suprêmes, mais elle les a ruynez d'Honneur, pource que chacū curieux de recercher la cause d'une faueur si extraordinaire, s'enquiert diligēment, qui, & d'où ils sont venus: enfin l'on trouue que ce sont gens d'ot la noblesse est de paille, elle n'est propre qu'à faire du fumier. De mesme qu'un Sculpteur fait paroître une petite statuë, encore plus petite s'il la pose sur une haulte colombe, ainsi V. M. ayant constitué ces personnes

D

au plus haut degré de fortune,  
vous les donnez à cognoistre  
dauantage à tout le monde.

On dit que DEMETRIVS  
se faisoit admirer en toutes ses  
actions, & que tous les ouura-  
ges ressembloient sa Royauté.

Sire, V. M. qui a tant donné  
d'arrhes & de preuues de sa ver-  
tu, ne sçauoit se porter à vne  
plus belle action qu'à donner la  
paix à son peuple: c'est là  
vostre Sagesse se rendra admi-  
rable en l'extinction de ses sed-  
tieuses flammes, qui s'augmen-  
tent de iour en iour à vostre  
perte, c'est où vostre courage  
se fera paroistre en pardonnant  
à ceux que vous aurez peu punir.  
Il fait dangereux de con-

craindre ses ennemis de trop  
prés, & de leur oster toute espe-  
rance de ne se sauuer que par les  
armes. Le desespoir est vne por-  
te de derriere grandement à  
craindre ; Il nous donne assez  
souuent ce que nous n'auions  
peu gagner par prudence, &  
truste de la victoire ceux qui  
ont de l'auantage sur nous : V.

Il doit prendre garde de ne se  
porter point à ceste extremité.

Le Marinier descharge son  
vaisseau de la marchandise qui  
luy pèse le plus, lors que la mer  
est courroucée. Si V. M. desire  
sauuer son Estat de l'orage qui  
le menace, il est necessaire qu'il  
le bannisse d'elle ces trois Bou-  
e-feux, qui cōme Viperes se-



ront perir ceux dont ils tirent les biens & la vie. SIRE, vous estes comme le malade, qui au fort de son accez ne peut ressentir sa douleur, vous reconnoistrez vn iour le dommage que vous ont apporté ces Scorpions, dont la seule ruine y peut remedier. L'EMPEREUR MACRIAN disoit que les armes n'estoient point necessaires à vn Prince quand il luy estoit loisible d'auoir la paix. Ceux que vous croyez s'estre esleuez contre le seruice deu à V. M. n'enuient point la juste & tranquille possession de vostre Royaume, ils n'ont les armes à la main que pour vous obeyr, & non pour vous commander, ce



sont ames noircies d'une infinité de vices , qui vous remonstrent le contraire, & qui, coupables de mille meschancetez vous destournent d'apporter un reglement à leur détestable vie , & empeschent V. M. d'octroyer à vos subjects ce à quoy vous estes obligé par les loix diuines & humaines, & dont vostre Mere vous supplie.

F I N.

